



江城縣政府徵集省志資料

江城縣





江城縣政府徵集省志資料

兵事

江城縣治昔稱猛烈街元明以前為獮夷所居自清雍正後才遷

馬張四姓及猓獮相率佔據夷酋強橫爭鬥迄無寧歲然以文化不通紀載闕如凡兵戈匪患人事天災俱無從考查迨光緒十三年春木蔓

土匪陳定邦白亮采等聚眾叛亂四月適縣民鄧武舉炳焜下京會試旋里奉他郎撫樊府張營遊府蘇密扎飭設法拏辦炳焜即一面聯絡元郎保甲一面函約該陳匪定邦來城意欲設計捕擒不料該陳匪抗不赴約竟於五月二十日率眾五六百人將縣屬六能坨木蔓舊城普方里方等處燒殺搶擄一掃而空並將第三團六能坨

團長蔭襲土弁蘇長春殺傷將其家人俘因而去匪勢愈張燒殺劫擄木蔓六能坨等附近村落四十餘村被害者達一千餘戶防邊團練屢戰敗績七月戊辰署他郎通叛張舒翰率元郎鄉團追擊陳匪於峩馬村斃匪十餘是役也武舉鄧炳焜力戰陣亡賊勢益更猖獗冬十月陳匪定邦復天舉進攻寇擾匹馬河坨丟渡桃樹坪各處團勇先後潰敗練木目李大張得林等亦戰敗死之陳匪愈行進攻柏木山大興寨等處之江城全境之不淪於匪窟者僅猛烈街一隅而已於是地方紳首泣請普洱總兵於腊月初派遣叅將梁士偉率同守備馬成龍團總孫世泰等督兵攻勦破陳匪於大興寨定邦遁走柏木山擒獲匪先鋒馬利拉陣殺從賊三十餘級奪獲旗



幟器械無算戊戌庚子馬成龍攻克馬鞍山梁士偉攻克老蘇寨木戛  
舊城孫世泰攻克紐薩渡猓支山哈吧梁子等處陣斬賊目張普黑及  
從賊三十餘名癸卯丙午馬成龍克復老謝寨梁士偉孫世泰克復  
木戛八寶樹等處斬賊目及從賊十三名該匪等四散逃走我軍連  
日追捕擒俘無算迨十四年春正月官軍既克復各壘乘勝攻擊斬  
賊目白里福一名陳定邦率黨逃入處糯箐併力死守我軍招降  
匪黨楊發昌飭其潛解脅從擒獻首逆乙丑賊營自相攻殺我軍  
乘機進擊擒獲陳定邦弟兄<sup>皆</sup>斬之斃匪甚夥餘衆潰散事遂平  
然以餉糈之供應兵匪之踐踏地方元氣大虧村落蕩如邱墟無論漢

夷皆一貧如洗矣

根據江城縣檔案  
及普洱府誌



## 匪患

(1) 清同治末年有景東縣民黃阿初流寓至南掌國國王招黃為駙馬未幾黃判亂回國沿途被其攻克猛地三十餘城光緒二年率黨七八百駐紮於江城縣〔即猛〕及鄰近村寨為盤踞久居之計黃為魁偉猛勇鄉紳畏其強橫勢衆莫敢誰河嗣有武舉鄧炳焜將黃計誘入武廟為紳民楊維珍手戮於武廟街口將黃阿初首領梟示其黨始潰散事遂平

(2) 清光緒初年中法諒山之役和議既成有遣散粵將魏明高因無力返國遂率兩粵退伍兵及眷屬二千餘繞

道至南掌國藉催解貢品名目劫掠擾亂嗣被南掌國


王藉兜剿魏明高始由猛烏敗退回國於光十四年駐紮江

城〔即猛〕及附近村寨肆行劫掠拷搥經猛烈紳民稟請

元江州主韋轉詳普洱道檄委李協軍雲到烈屢次開導遣散而魏總以就食為辭決無去意嗣經地方紳老呈請省憲核辦適岑毓英為雲貴總督念其同鄉不肯遣散地方官紳莫如之何嗣因岑在滇病故而魏無所依恃始聽駐猛烈普定左營營官梁士偉哨官溫以讓團紳楊炳謙等勸諭並呈省憲派員到江城招安編遣於是魏明高始率衆出境

事見猛烈  
彭氏藏稿

(3) 民國五年我國嚴令禁煙一般奸商皆赴法屬安南私辦鴉片每於三四月間由江城邊境偷過即有石屏匪首何朝英率匪徒三百餘過李仙江到縣屬西北鄉搶掠煙班欲乘機來撲江城（即猛街）經駐防猛烈之墨江游擊分隊長馬遵湯及彈壓委員石雲根探悉匪情召集民團百餘馳往三棵磚大竹崩一帶兜剿雙方開火對敵數日始將何匪擊敗退回江外是役也陣亡隊兵四名現俱崇祀忠烈祠匪方亦擊斃四十餘名云



天災

(1) 火災

江城卽猛烈僻處邊荒距內縣十有餘站兼以地瘠民貧漢少夷多域內齊民大都編草為屋而居一遇炕旱火災則數十家之村落頃刻化為蕉土者歷有所聞尤以清光緒十四年春陳匪定邦敗退後復於三月三日猛烈街〔縣城即今〕條遭火災延燒街坊民屋百餘家兵匪蹂躪之後閤村又遭焚如蓋藏悉為灰燼居民一貧如洗語云禍不單行此之謂乎後經地方士紳呈請上憲卹賑然粥少僧多終無補於赤貧比來民多改建瓦屋火災

亦漸少矣

(2) 瘟疫

江城居民之比例漢一而夷九智識鄙塞固陋平居不知講求醫藥衛生一遇病疫惟以咒訣巫卜為事殺鷄鴨退鬼崇束手待斃而已民國九年冬境內瘟疫大作漢人稍知醫藥猶有一二可救四鄉蠢夷則沿村逐戶死亡枕籍積屍無人抬葬至用女傭拖埋如枕籠枕杭一帶交界地方逐村死亡殆盡腐屍滿室飽諸犬豕野獸者不計其數城鄉死亡共計三千有零村落邱墟蓬蒿滿庭傷心慘目不堪回想言念






及之不禁悲從中來也。

又民國二十年夏秋兩季長晴不雨氣候失和境內瘟疫盛行大小村砦山陬僻壤傳染俱遍由四月以迄九月里巷悲泣之聲無間晝夜令人慘不忍聞霜降之後才告寧息計死亡一千七八百人去全縣人口十分之二村間棺本早盡大都蓆裹坑埋滅門絕後比比皆是綜計民九及二十兩年先後死亡已達五千餘人誠數百年來未有之奇災實人生大不幸之遭遇也。


### (3) 水澇

民國二十一年自國曆五月以至十月境內雨水連綿無三日晴江河泛溢成災溺斃村民八九田中稻穀腐濫芽長寸許無法收穫損失已屬不資城市鄉村民幾絕食墻屋坍塌不勝枚舉城內有劉安順者閤家六口一時被墻倒斃不遺噫慘矣。



## 改縣

猛烈改縣倡自民十以前祇因籌  
至民國十六年普洱道尹徐以猛烈地處極邊強鄰逼  
處為普思邊藩衝要關係極為重大非改縣治不足以  
鞏固國防隧與車里五福佛海鎮越六順等處同時籌  
劃進行改猛烈為縣治一切事宜並令飭卸猛烈行政  
委員徐實調查境內戶口錢糧區域呈請省政府核查  
在案迨至民國十七年普洱道尹調陞雲南省民政廳  
長對於猛烈改縣一節進行益力復呈請省政府於九  
月十三日提出第一百一十次省務會議當經議決如



擬試辦並飭猛烈行政委員徐少賢體查情形積極籌劃  
進行並批定縣名為江城呈候核奪此江城改縣之開  
端也當經省政府核奪如擬照辦一面暫刊發木質江  
城縣印俾資信守一面轉呈中央內政部核準註冊備  
案及鑄發正式銅印於是前猛烈行政委員高文權遂  
於民國十八年十二月十七日啓用江城縣印信實行  
宣告成立縣治然經界賦稅戶口尚未劃定所謂江城  
縣者不過徒有其名耳迨至十八十九兩年雲南省民  
政廳長張第二殖邊督辦祿委令寧洱縣縣長孫天霖  
赴江城履勘劃定東南兩方以李仙江與墨江分界西

北由唱聘起點將猛野井各地劃歸與寧洱縣接界西  
南將整董劃歸與寧洱接界南以卡劃歸與法屬安南接  
界面積千餘方里人口五千餘戶至李仙江為江城墨  
江兩縣之交界沿江各渡捐據當日孫縣長勘定由江  
城墨江兩縣均享其利當經縣長李文新協同孫委員天霖會  
銜呈請民政廳核示批准有案嗣於民國二十一年六  
月墨江縣伸民忽翻前案呈請省政府令普洱督辦祿  
復派委張委員孟希到江城另行履勘而墨江縣長  
亦派員前來力爭於是張委員遂會同江城官紳開會另  
定江渡谷及猛野井權限自李仙江以上居浦渡鹿馬等

之

江城

渡之權利口歸墨江自李仙江渡下填溜渡劃歸江城其  
猛野井則距江城僅百里於治理上自應劃歸江城當張經  
張委員轉呈省政府核準備案從此江城界務當可決定  
矣此猛野烈改縣經過之大畧也竊查江城區域係由元江  
墨江寧洱象明四縣之甌脫地劃改成縣故對於經界之  
勘定屢多爭持遷延況以草昧初開地瘠民貧漢少夷多  
民智錮蔽達於極點而教育建設諸要政因田賦收入無幾政  
府及地方一切政費無從羅掘三載以來雖經縣長文新  
潔已奉公涓滴不染竭力籌提以補充之終以杯水車薪  
窮於應付故對於一切縣政之計劃設施

施實屬難與鄰封各



縣相比埽此江城改縣五年


以來之實况也



## 路政

江城僻處極邊地，瘠民貧，道路崎嶇，商旅裹足。在未改縣以前，從未修過路。自民國十九年，縣政成立，縣長<sup>李</sup>文新到任，於二十一年一月，奉民政廳嚴令，限三個月，須將主要路線完全修妥。奉令之下，遵即召集建設局長及地方團紳各區鄉長，實地計劃，籌商於城區十里以內，飭由警團囚犯及城內民衆負責修築。概用石頭鋪成，寬六尺之石路，逐日由縣長及派名譽員監督工作。其連接元墨思普鄰封及往法屬交界之各縣道，則飭建設局長及各區保甲頭目督率各區民衆認真開挖，並委名譽監工員多人赴各區實地監督，照限定尺碼竭力工作。於民國二十年一月開工，迄今三月底，已將全縣各縣道及重要之村道完全修築成功。土路一律修寬九尺，石路則寬七尺。由縣城北行，達李仙渡魯馬渡，與元墨交界，兩路共長二百八十里。南行直達法屬，長八十里。西行抵寧洱界，長一百五十里。東行至壩溜渡，直抵法屬，長一百二十里。西南至大路邊，抵法界，長六十里。又由李仙渡西行，達猛野井，係馱塩大路，及至整董區，至易武兩路，約共長三百餘里。東西南北，共

江城縣地界以無論縣道及主要村道俱




一律修挖貫通昔日之鳥道羊腸一  
往來無阻商旅稱便曾經呈請

普洱督辦祿及省政府派路政委員到縣視查呈  
許在案比來接年修補加寬民人往來益稱便利此次  
第十二區政務視查員張新元到境視查稱可為吾滇  
各縣之模範已將上述路政各情呈請省政府嘉獎矣



最近之黨務

江城初改縣治、界務未清、一切政務未經組設完畢、故於黨務一項尚未辦理




境內之經緯度與流星隕石

江城縣治區域係由元墨寧及象明等四縣插花地劃併而成其經緯度從未詳細推過以中國地圖考之約當北緯二十二三度與以北京為子午線之西經十一二度之間至流星隕石則並未見聞




境內之溫度雨量風向

江城地近熱帶故氣候較之內地稍熱但極熱不過過華氏表九十五度寒不過四十五度霜雪稀少雨量較他縣為多蓋因四面江河環繞境內森林茂密含蓄水氣過多之故也惟無詳確之測候故未紀錄



境內之山脈水系溫泉毒泉  
江城縣山脈係由普屬魯馬江邊  
之整董由整董南行下法屬猛烏復由猛烏屬而北行  
至縣屬桃子樹村脫峽為茅作山到大路邊寨立有經南邦界碑  
甲為赤坑大山過冒逢寨出楊柳溝山西南行數十里  
即為樂高大山復東行數十里為營盤山即縣公署所  
在地也

境內水源發自中部之楊柳溝水流淺小褰衣可涉東  
南行七八十里經東一區茗海鄉稱為腊戶河又南行  
數十里至南一區慶雲鄉與縣城之草皮壩河相匯水  
勢始大西而行經西區寶藏鄉營盤山腳復向北而行  
至猛野井稱猛野江前清光緒間於渡口設船二支水  
夫二名以渡往來行人民國初年已無存今則於夏秋  
水漲時另設小船以渡之由猛野復北行經北二區寶  
藏鄉更北流至北三區普惠鄉魯馬渡口則與李仙江  
匯合復東行為居浦渡李仙渡及壩溜等大渡口以江  
渡與墨江縣分界更東南行流入法境再行五百餘里  
而為猛萊大渡口矣縣治東南西北俱為江城流所環繞  
此江城縣名所由稱也至江流並無變遷亦無溫泉毒  
泉故未載及



城牆

江城縣初才改設並無城池及添築等事






境內之橋梁津渡

江城重要橋梁惟縣城營盤山腳有  
清光緒初年草皮壩村前有一竹橋  
南四五里有捲洞石橋一座縣城東有瓦房橋一座均  
係民國元年所造惟無碑記難考其詳至於津渡如李  
仙渡魯馬渡居浦渡壩溜渡等歷來均以船筏往來并  
無變遷之經過亦無碑記之可撮



## 中法界碑

江城縣屬有中法界碑四處俱係前清光緒二十一年十二月十一日經中國雲南省所派劃界委員黎肇元會同法國委員寫阿蘭（即余納爾）所刊立一曰孔明石坡頭二曰團包坡頭三曰石棺材坡頭四曰大路邊其碑文一面刊中國界又一面則刊法國界等字迄今三十餘年大路邊之界碑破壞不堪縣長李文新到任爰呈請普洱督辦祿轉呈省政府核准於二十年三月照會法屬烏得二圈官同至大路邊照原界址換立界碑其碑文仍一面刊中國界一面則刊法國界



江城縣邊防

江城縣屬四面有江環繞向為普




西

北一百八十里為魯馬渡及猛野江為與墨江寧洱兩縣往來要路正北李仙渡距城一百二十里為與墨江元江兩屬出入要道下流正東坭溜渡距城一百八十里順流直下為與法屬猛萊水道相通此外又有距城六七十里不等與法屬邊界相連之防地八處曰南邦甲二曰平掌寨三曰沙人河四曰牛猓河寨五曰大路邊寨六曰坭卡村七曰二塘寨八曰猛方寨以上八處俱為江城與法屬邊界最重要之防地也

### 境內驛傳之沿革

自前清光緒中設官後，凡與元墨普三縣往來公文，俱專丁傳遞，每月兩次。迨民國十年，設立郵寄代辦所，歸墨江郵局管轄，定為十二日發郵一次，因郵期太長，各方消息頗為遲滯，於官民俱感不便。




境內之古跡

（整董井）江城縣屬第四區整董地，於蒙詔時有土目叭細里佩劍歷川源忽見一井水甚潔細里偶以所佩劍插入水中，度水深淺後拔劍歸逾數日視其劍似白鏹所鑄者，細里疑之斷以斧斤鉄盡變為銀，後復迹之不得其處，歷唐宋元明競爭傳其事，此井屢驗屢迹屢不見，整董今已劃歸江城，故採入本誌，茲因代遠事遷愈更不知其處矣。

（水閣遺址）江城僻處荒徼，可傳之跡甚少，出縣城東南餘步，巽方於清中葉建有三層水閣一所，至光緒中因

粵將魏明高據為營壘，及魏招安後，縣民恐匪類佔為巢穴，故已折毀。

（中山閣）現任李縣長文新籌巨款，將縣城高初兩級小學校移建於水閣舊址，照舊於巽位蓋三層樓，為中山閣，崇祀先總理遺像，閣之左右建堂四所，傍建耳房宿舍，前建大門，較前之水閣更為堂皇，今已動工半載，指日即可落成。



（清官亭）江城毘連法境實為國防要衝當茲初改縣治百端立待創設然而歷任縣長俱以江城地瘠民貧的款毫無且視縣令如傳舍對於應興一切要政概付闕如幸自民國十九年現任李縣長文新蒞任以來清正循良關心民瘼事事依照縣組織法竭力實施設備且廉潔不私於罰金則毫不染指勤政愛民於聽訟則體達人情建義倉以備兇荒禁苞苴而絕寅緣築路修橋闢鳥道為康莊禁煙勸農化狃獠為良民捐廉辦邊地小學十餘鄉蠹~~民~~夷咸沾教化嚴令緝各區盜匪數百里閭閻得安樂業款項實行公開案牘一積滯城區教育團保建設公安請要政向因無款維持缺陋不堪自得李縣長竭力挹注俱能賴以振作今且籌萬金蓋中山閣及兩級小學校以興地方教育種種政績彰彰可考惠比甘棠遐邇口碑以視向之對於國計民生漠然毫不關心者奚啻天淵之別如李<sup>文新</sup>新縣者洵為比來縣令之冠不啻民之父母也已<sup>是以</sup>地方民衆於歌功頌德之餘思有以表彰其政績於後世爰建議捐金鳩工庀材於西門外建一清官亭將李縣長文新<sup>肖像及政績</sup>勸諸豐碑以資表揚焉






江城縣縣長李公華民德政

地方之有賢宰，賴其通達民情，洞悉者民隱，本清慎勤三字，以為出治之箴，俾四境蒙庥，萬姓樂利，是則邑人士所引領而望之馨香以祝之道者也。李公華民性伉爽，沈毅有為，幼年覩國勢佔危，即投筆從戎，足跡遍全國，於社會情狀，世態炎涼，察之至審，迭更患難，均因應咸宜，蓋嫻於武事，而兼通政治也。本省六一四改變人心，隍時公任普防殖邊第二營營長，有欲襲思普擾亂治安者，公奉檄防堵，奮勇拒敵，普防得以危而復安，後以功薦遷文官，於民國己未，來守吾邑，地處邊徼，毘連法

屬土曠人稀，夷多漢少，治理極為困難，公以庶政未興，由於交通不便，民智閉塞，由於教育未宏，毅然籌款修築公路，躬親督率，朞年而四境縱橫，道路皆成坦途，復慎選師資，擴充學校，而嚮學者日衆，更勸民開墾，講求種植，而生計以饒，財政公開，積弊悉革，團保得法，盜賊潛蹤，不特此也。建社倉以重積儲，荒年有備，修病院以療疾疫，救濟有方，其優禮正紳，如宓子賤之任人，其披星戴月，如巫馬期之任力，其片言折獄，如仲由之明敏，果決，是以治貧瘠之區，而日臻富庶，昔漢代循吏以黃霸、龔遂稱首，而治績皆不外於教養，公之為政，其亦足以媲美前賢歟？爰為頌詞，藉伸忱悃，詞曰：



卓哉李公	蒞任江城	履道坦坦	教育實業	政平訟理	勒之金石
果毅沈雄	有賢宰風	商旅雲從	成效尤宏	治積稱隆	聊表寸衷
拓邊普防	修築公路	公開財政	倉儲病院	召父杜母	
久著殊功	貫徹始終	積弊掃空	建築崇閣	口碑斯同	





戶口

江城縣之戶口、在清時因分屬元  
調查、惟據民國二十一年調查所得、共有五百二十村、  
五千七百五十九戶、男一萬二千二百三十八人、女一  
萬三千零五十人、總計共有二萬五千二百八十八人、




江城縣官吏姓名籍貫履歷表

職名	變遷年歲	姓名	籍貫	履歷
普定左營	<small>前清光緒十四年設置</small>	梁士彬	臨安縣	失考
同前	光緒十七年	沐中興	阿迷縣	失考
同前	失考	鄧春臺	湖南省	失考
同前	失考	李福興	湖南省	失考
同前	光緒十八九及二十年	李雲	河西縣	失考
彈壓委員	光緒二十一年	馮萬成	新平縣	失考
同前	失考	劉天榮	昆明縣	失考
同前	光緒二十年	高凌雲	湖南省	失考
同前	失考	陳晉三	湖南省人	失考
同前	光緒二十八年	許滇生	貴州省人	失考
同前	光緒三十一年	李焯然	廣西省人	失考
同前	宣統元年	李芬園	東川縣	失考
同前	宣統二年	屈之春	四川省人	失考
同前	宣統三年	周國華	湖南省人	失考
同前	民國元年	卞鄭芳	鶴慶縣	失考
同前	民國三年	何瑛	石屏縣	失考
彈壓委員	民國三年	劉履端	貴州省人	失考
同前	民國四年	張璧東	東川縣	失考



改設江城縣	同前	同前	同前	同前	同前	同前	同前	同前	同前	政改
民國十九年九月至二十二年	民國十八年至十九年八月	民國十七年	民國十六年	民國十四年	民國十三年	民國十一年	民國八年	民國五年五月	民國五年	委員行
李文新	高立權	夏甸昀	徐少賢	潘澤膏	陳毓華	李聲吉	周樹藩	石雲根	婁際泰	
永善縣	易門縣	昆明縣	嵩峩縣	思茅縣	石屏縣	曲靖縣	大理府	思茅縣	昆明縣	
曾任普防殖邊隊第二營營長	失考	失考	失考	失考	失考	失考	失考	失考	雲南省	



附

李縣長文新到任後始遵照縣組織法設置科房書吏茲將其職責姓名列后行政科長霍壽臣、司法科長張時俊、元江縣人、理財科長張天運、墨江縣人

注

## 市鄉區分及名稱

江城共分四區、每區或分三鄉四鄉不等、今將名稱列后、

第一區有三鄉、即惠民鎮（城即縣）慶雲鄉、寶藏鄉、

第二區有四鄉、即九如鄉、嘉禾鄉、普惠鄉、德厚鄉、


第三區有四鄉、即茗海鄉、歸化鄉、曲水鄉、定越鄉、

第四區有三鄉、即康平鄉、鼎和鄉、仁里鄉、



江城之舉人及諸生

江城遠處極邊前清中始有漢人居住昔草昧未闢文化晚開故從無文科及第者惟清光緒間有鄧炳炳焜者中己卯科武舉光緒十年下京會試返里於十六年冬因勦陳匪定邦陣亡於木戛此外縣內文學則有朱自光彭永齡楊開泰朱自榮等諸秀士然俱係清光緒間附生也



清季至民國之蠲卹事項

前清光緒十四年九月、經前元江洲主事韋呈準雲貴總督、發給賑卹猛烈街被火成災民戶朱綽張恒山等八十八戶、災賑銀共七十三兩八錢、外又發被火燒斃男杜景一名、女何魏民戴大女二名、每名賑銀一兩五錢、共四兩五錢、



雲南省江城縣田賦調查表

年十二至推遞以下	五年	四年	三年	二年	元民國	年宣統元	年份		項事
							年	份	田 畝 總 數
				八百畝	八百畝	八百畝			田 畝 總 數
				全上	全上	全上			升 科 後 實 徵 數
				一元	一元	一元			省 附 稅 每 石 若 元
				無	無	無			縣 附 稅 每 石 若 元
				全上	全上	全上			各 項 附 捐 每 石 若 元
				無	無	無			陋 規 小 費 每 石 若 元
				全上	全上	全上			加 征 共 若 千
				全上	全上	全上			五 抵 一 共 若 千
				全上	全上	全上			全 縣 繳 納 總 數
									其 他 事 項

後附說明


填註數目字外有須細說者載入後列一二三四等項下不須說明者闕

- 1 上列數目係元墨兩縣之糧除元江縣撥歸外餘者墨江尚未正式撥交上列墨糧均由各糧戶調查所得
- 2 寧洱縣撥交南邦等村山糧銀年九十元
- 3 象明縣撥交整董土司地戶捐銀年四百六十元



## 牲屠菸酒稅

江縣縣之菸酒牲屠稅在民十以前並未徵收十年後由歷任猛烈行政委員聊為徵報至民國二十年因初改縣治始由縣政府試辦其款實徵實解並無定額迨至二十一年三月起經雲南省財政廳改行投標辦法年由包辦人認解省款七百元至地方各機關並無附加情事





雲南省江城縣禁煙罰金調查表

事項	年分		
	年一十二	年十二	年九十
實種若干數	七十畝五分	六十四畝五分	一百二十畝
禁種	二百一十一元五角	三百二十二元五角	六百元
禁吸	奉令繳 照停辦	三十四元	一百二十元
禁運	三百元	二百元	一百六十元
辦理各項手續及各項人抽收若干數	無	同前	禁吸款以五成交地方教育局
加征	無	無	無
其他	二千五百五十九元七角五分	四千三百一十元五角	四千四百元

附注


查民國元年至十一年尚在嚴禁時期自十二年起至現在政府通令照納產地罰金斯時猛烈又屬元江墨江寧洱三縣所轄區域歷年產地辦法亦由三縣主管辦理又自十九年一月起而江城始代奉令改縣惟二十二二十一年分因認不足標準數之故係由土質不宜除整董一區外其他各區團保均出具甘結不再種煙特此聲明



民國以來江城縣各種雜稅及地方附捐

國家稅種類	地方附捐	地方附捐	機關	附	記
牲屠稅	有附捐	商會			
煙酒稅	煙有附捐 酒無附捐	商會及學校	無		
茶稅	有附捐	學校			
特貨稅	有附捐	商會及學校			
海關稅	無附捐	無			

附收百貨捐 商會及學校



江城縣歷次募兵調查表

年月	項事	募兵官姓名	募兵數目	募充名
民國七年十一月	奉 元江縣令招募	二十六名新	兵	由各區保董攤派人 民負擔多寡不一未 知確實
民國九年七月	余炳	五十名新	兵同	前
民國十二年七月	奉 省長唐訓令及 電令招募	四十名新	兵同	前
民國十五年九月	奉普洱 道尹徐電令招募	三十名新	兵同	前
民國十六年五月	奉 蒙自鎮守使兼 東南防督辦胡 若愚令招募	二十五名新	兵同	前
總計共募壹 百柒拾壹名				



## 海關稅分局

前清光緒十一年中法涼山之戰和議既成越南條約我國將安南老撾割與法國於是江城遂成為中法交通外貨入口之孔道十六年思茅建設海關遂設分卡于猛列節今縣城江城之有海關即自此始然迄今數十年來以此地入口貨少故僅由思茅正關任意派員前來徵收所<sup>收</sup>入口貨以山貨為最多並不照章收解至民國二十二年一月因我國海關自主改訂稅額而思茅正關始正式考取海關職員前來認真徵解然以入口貨少年收稅欸無多大概尚不敷局內員役及一切開支也



銀幣銅幣鎳幣之價格

江城現在通用之貨幣、有銀幣、銅幣、銅錢、三  
幣每元、值銅幣一百六十枚、值銅錢一千八百文、



理、鎳幣則不通用銀

## 歷年米糧之價格


如總

江城縣米糧之價值、從來無論何較內地各縣低廉一倍、雖無詳確之標準、但大概計之年歲豐稔、則谷每石二百五十斤、僅值銀四五元、即饑饉之秋、而谷每石、亦只須銀十元而已、蓋因地處極邊、距鄰縣道途遙遠、江河阻隔、運輸不便、而無外縣人來購之故也。



歷年食鹽之價格

江城縣食鹽之價值自猛<sup>野</sup>井開煎後、鹽價之漲  
價以為標準、無論如何、總比磨黑井鹽每百斤  
元之價值



漲落、恆視磨黑井鹽  
要低廉一元半至二



## 動物

江城縣屬所產動物有雞鵝鴨火雀燕鸚鵡孔雀鷓鴣  
杜鵑布谷畫眉野雞牛羊馬豬虎豹鹿麇兔熊蛇豺狼  
魚蝦團魚青魚等物中尤以野豬鹿及團魚青魚諸動  
物為多茲述其特色於后

鹿常來踐食故鄉人多於夏間集伙搜山追擊年可獲  
數十頭所得鹿胎鹿角則用以熬膠鹿茸多售之鄰縣  
商人

團魚形狀畧似龜惟背部平滑而無紋味極鮮美縣屬  
四面江河內皆產之有大至十餘斤者四鄉夷民拿獲  
多求售於縣城每年所獲不止千餘頭  
青魚產於臘戶河巨口青鱗肉質鮮美出產最多秋冬  
水涸網獲愈多每年所獲不下萬餘斤



## 植物

江城縣植物有山穀田穀麥茶<sup>柑竹</sup>苦竹荔枝欖枝<sup>花</sup>草棉桃李三丫果漫木果波羅蜜酸角香椽松柏椿栗樟紅毛樹董欖桐木芙蓉木槿楊柳月季粉團玫瑰等物其中尤以茶穀竹椿波羅蜜董欖各物為最多茲分述其特色於後

〔茶〕茶樹縣屬各鄉俱多種植之年約出產千餘擔分時採摘當廢歷二三月採者為春茶香氣清冽色味俱佳唯春天雨水缺乏茶樹葉芽稀少採獲無多夏季採者為雨水茶因夏天茶葉茂盛採獲頗多惟色味較春茶

均次秋冬採者為穀花茶花苞葉芽同時採下氣味芬芳與春茶同江城所產葉<sup>茶</sup>每於冬春兩季多由李仙江水路運往法屬猛萊洲推銷<sup>商民</sup>獲利頗<sup>厚</sup>云

〔董欖〕各鄉都有種植木質純黑堅韌可以削為筷子手杖轎杆等工藝品

〔波羅蜜〕四鄉夷民皆種植之為隱花植物其樹叢生葉長一二尺寬二寸許葉邊如鋸齒由葉中抽幹結長圓形之之果實一枚大可一二斤果皮分裂如龜背紋初生色青綠熟則成黃金色其味芳香可口甘甜如蜜江城出產最多每屆秋季沿街堆積售賣每枚僅值銀角




誠為江城出產果實<sup>中</sup>最上品若能製為鑽頭則可運售遠方矣

紫椿各鄉出產皆係紫椿質料堅實顏色美觀縣屬人民多用之作棹橈箱櫃等工藝品間亦有裝蓋廳堂窗門板壁者


紫梗縣屬江邊氣候炎熱天然生植之橄欖樹甚多紫梗即生產於橄欖樹上係由赤紅色之紫梗蟲食橄欖葉後所排洩之物質也<sup>樹</sup>纍纍貫贅與白臘同附產於腊者無異惟臘質色白此為紫紅色耳每歲秋季江邊夷民爭相採取求售年可出產數十萬斤民國初年紫梗

價值高昂縣民及粵商多由李仙江順流運往法屬香港銷售實為江城出口貨之大宗獲利頗厚近因外商不來採辦價遂大低落兼之成<sup>為</sup>太大銷路滯塞竟致棄貨於地無人採售矣



## 鑛物

江城縣屬所有礦物為鹽煤鉛銅鐵  
三種出產最多礦質亦甚優美惟以  
外其他各物現概未經開採茲將其已採未採各鑛之  
特色列後




城數種中以鹽煤鉛  
地處邊僻除鹽鑛

〔鹽〕江城出產鹽鑛共有二區一為猛野井一為整董井  
現俱已開採惟以瘴氣惡烈人難久居只於春秋冬三  
季採煎每至夏季無人敢居已查猛野井在縣屬寶藏  
鄉之水城村距城一百二十里鑛質雪白鹽味優美前  
清雍正三年已呈準開採但僅准附近夷民自煎自食  
不准行銷外縣惟附磨鋪井年納國課百餘兩而已嗣  
至道光六年因邊界聚匪有礙邊防遂被封閉至同治  
十二年奏請再準開採試辦繼因炎瘴太大道途崎嶇  
巡查艱難銷路滯塞試辦數年毫無起色遂再行封閉  
直至民國初年又行呈準開煎出產甚旺銷路暢達年  
約可出鹽數百萬斤惟以炎瘴太盛夏季不能採煎耳  
至整董井距城一百五六十里自前清初年亦已開採  
惟取鹽水熬煎年產不過數萬斤無甚起色僅敷附近  
夷民自食且因瘴毒甚烈夏季亦不敢採只於春秋涼  
爽時取煎而已

煤產於縣城東里許之煤炭廠村，炭質優美，黑而有光，如香墨然。鑛苗甚旺，且埋藏不深，徧地皆可抽取，不待開洞深求。但因有臭氣，人民多不喜用，且無銷路，故而封閉，未經開採。


銅產於縣屬整董鄉之銅鑛山，係紫銅鑛，距城百里，未經開採。

鉛產於縣城惠民鎮南之鉛產箐，距城五里。前清光緒中，曾經開採，鑛苗甚旺，埋藏甚淺，勿須深求。嗣因工資昂貴，鉛價低廉，銷路不暢，無利可獲，遂致封閉。



江城縣所有未採各種鑛產表

鑛產名稱		地		附	
鹽	猛野井	第一區寶藏鄉	前清雍正三年開採道光六年封閉、同治十二年又開採數年又封閉民國初年再開採年出塩數百萬斤、	鹽	司地
鹽	水	第四區整董土	前清初年採煎今仍繼續煎煮年出塩數萬斤、	鉛	第一區惠民鎮
煤	第一區惠民鎮	第四區整董土	前清光緒初年開採數年即停辦	銅	第四區整董土
鑛	廠村	鎮	未開採	鑛	鎮





### 農務之情狀

江城僻處邊荒草昧初開居民稀少境內多係荒山密箐並無平原大壩故無廣大農業全縣農務大別之可分水田山地兩種種<sub>水</sub>田者多就河流兩岸沙地挖墾成田種植田穀然以土質疏鬆出產之米不甚佳良種山地者則擇村寨附近斜坡低窪之地栽種山稻玉麥菽豆雜糧之屬山地土質較肥腴所產穀米較田穀尤佳而價值亦因之較貴計全縣出產穀米雜糧之區山地較水田為多<sub>而</sub>年收產量雖豐收之歲亦僅足敷縣民自食並無盈餘之望是故一遇荒歛則大有民食不足哀鴻遍野之患也





森林

江城縣天然林遍於全境，蔚蔚青蔥，木也。中以麻栗、珠栗、紅毛樹、山合樹、樹次之。松柏為最少。是以縣屬居民之屋樑器具所用木材，大都用珠栗、紅毛四種。間亦有用樟椿木材做器具者。至於松柏兩種，則甚鮮少矣。




## 蠶桑

江城之蠶桑事業曾於民國二年倡設養蠶學校招收生徒聘請技師實行辦理繼因所得絲質堅硬不佳難以銷售遂致停辦而所種桑園亦因之荒廢矣




棉茶甘蔗

江城縣屬四面皆江江邊氣候炎熱頗宜種植草棉甘蔗山上則宜種茶惟以草昧初開居民稀少種植不多棉蔗兩種每年所產不敷自用茶則年出千擔之譜運出法屬銷售將來居民漸多若能竭力振興廣為栽種勿使地有遺利則必可收耕一餘三之厚利民生充裕而庶政亦得賴以整作不致如今日之地瘠民貧司農仰屋也



## 市集

江城境內市集僅縣城有之即舊之猛烈街也其餘四鄉並無何市集猛烈街空三趕四每月七街半市中主營業品以茶業為最米糧雜貨次之年可出茶八九百擔遠近茶商每於冬春運往法屬猛萊銷售



雲南省江城縣商業調查表 市集

市集名稱  
猛烈街

市集所在地點  
縣城 [即舊之猛烈村]

市集沿革  
自前清中葉開設迄今已歷百餘年

市集附近交通狀況  
市集地當中法交通孔道凡商人之往烏得老撾者所必經且近來大道修通往來甚便

市集定期無有  
本市定期空三趕四為大街空一趕二為小街如初一日趕大街初三日即小街至初五日又趕大街也

主要農產品  
茶葉米雜梁推菸

物產集散之概況  
江城出產茶葉經商人收積裝製後即由填溜江運往法屬猛萊銷售

市集附近居民之習俗及其生活之概況  
市內居民俱係漢人附近則概係夷民生活非常困迫習俗亦甚簡陋



## 度量衡

江城境內習用之度制有栽尺市尺兩種計布帛之長短者用之栽尺之長均與省尺相等市尺僅有省尺之九寸而已、習用之容量有皇斗斤筒兩種計穀米豆麥之多少用之每皇斗可容米三十斤、約等於省斗三分之一斤筒可容十六兩、至於衡制則有戥稱兩種其輕重略與省稱同、



雲南省江城縣度量衡調查表


度量衡三種因各地各業習慣之故恒有異同祈採訪其名稱用途而以法定之公尺公升公斤比

( 衡 )		( 量 )		( 度 )	
市 秤	名 稱	市 升	名 稱	市 尺	裁 尺 稱
	比 以公尺為單位 較		比 以公升為單位 較		比 以公尺為單位 較
城鄉通用	使用區域附	城鄉通用	使用區域附	城鄉通用	使用區域附
	注		注		



男女之勤惰奢儉

江城人戶稀少、地瘠民貧、縣城漢民、多習商業、風俗較為奢靡、四鄉夷民、除耕山或採茶外、男女多習怠惰、無所事事、地荒民貧、達於極點、故日用生活習俗、亦多因貧而日趨於儉陋矣。



境內大姓稀姓及土住人民

江城地處極邊距內縣太遠故漢  
境內漢人僅朱楊二姓為大族且現俱住縣城於前清  
光緒初年遷來者城外各鄉俱係夷獠苗獠土住其中  
大姓則有普李楊白等四姓均係由元明兩朝遷入者  
至於譜牒宗祠巨族規制則因文化蔽塞禮教不通概  
付闕如無可取者



人遷來居住者甚少

## 商會

會中

江城縣自民國十八年縣治成立即設有商會設會長一人文牘書記一人經費管理員一人會董若干人以組織之會中職員三年後另舉呈請縣政府更委之會中經費係由百貨捐抽收開支會長文牘書記均支薪金出入銀錢每屆年終造具清單公佈之



## 江城會教育經費獨立委員會

江城初改縣治，教育方才萌芽，故對於地方之一

曾以

民國二十一年八月現因教費缺乏，無獨立之能力，擬

學會均未成立，惟於  
成立一江城縣教育經費

費籌備委員會，竭力清查地方公私絕業，欸產為將來實行教費

獨立之初基。一俟經費籌足時，再為正式呈請獨立備案等情，呈請雲

南省教育廳核示，繼奉教育廳指令，開以此種破例辦法，與教育規

章不符，無論有欸無欸，而教費仍須遵照定章，實行獨立等因，奉此

所以江城教育經費獨立委員會，業~~以~~於民國二十二年一月正式成立，會中

職員俱係名譽職，概不支薪，惟的欸毫無，而清查公私絕業欸產

又非一時可能做到，是以江城教費形式上雖云獨立，實際上仍不過

添一機關會牌而已，茲將會中委員姓名表列後。



謹將江城縣教育經費籌備委員會章程  
查核

後呈請

第一條

本會定名為江城縣教育經費籌備委員會

籌備委員會

第二條

本會附設於教育局內

第三條

本會職務人員之組織如左

一

本會設正會長一人副會長一人

二

設文牘兼書記一人

三

設籌備員五人

四

設經費管理員一人

五

設監察員二人

六

設雜役一人

第四條

本會職務人員之任務如左

一

正會長由教育局長兼任之以籌增教育經費為

唯一職責

主持全會一切大小事宜並有決定會議提

案之時權

副會長之任務補助正會長<sub>办</sub>一切應進行之事件

副會長之任務補助正會長<sub>办</sub>一切應進行之事件

副會長之任務補助正會長<sub>办</sub>一切應進行之事件

副會長之任務補助正會長<sub>办</sub>一切應進行之事件

如正會長因事未克出席時，由副會長代理之。

〔但正副會長，需聲望素著，熱心教育者，始得充任之。〕

三 文牘兼書記員，秉承正副會長之意，辦理本會一切來往文件。


四 本會會員，俱有參贊提議決權<sup>表</sup>，關於本會一切條件之職權。

五 經費管理員，以保管本會款項<sup>資</sup>財產為職責，一切收入支出俱屬之。

六 監察員之職責，有查核經費管理員，保管款項財產，有無舞弊情事，以及監查各職員辦事，能否盡職之特權。

七 雜役一人，承受本會各職員之使命，盡力服役。

第五條 本會各員役，如會長、籌備員、經費管理員、監察員等，俱係名譽職，概不支薪。文牘員及雜役，亦就教育局內原任者兼任之。支薪。



第六條

本會之設立因本縣之教育經費毫無的款故暫稱為教育經費籌備委員會會中職員呈請縣政府委任之一俟籌有的款時再改為教育經費獨立委員會呈請

雲南省教育廳備案核委

第七條

本會專以籌增教育款為目的不干預他項一切行政事宜

第八條

本會每半月須開常務會議一次但有特別情形時得由會長或籌備員之請求召集開臨時會

第九條


本會以籌增本縣教育經費為目的使教育款有基本之經費不致仰給別方之補助俾教育得以穩固發達

第十條

本會職專以調查籌提江城縣屬有可籌之款產為職責如絕產絕業公產公款未經指定用途者皆可以調查提充之

第十一條

本會對於教育局來往文件互用公函





第十二條

本會重要職員之月薪與會中一切開支及各職員任期統俟經費籌有的款改稱教育經費委員會時再為另定呈請

教育廳核準施行

第十三條

現因全縣教育經常的款毫無若不積極籌提教育前途實難期望發展故無論本會會外人員有於縣屬城鄉中查獲被人隱瞞霸占之公私絕業款產到會舉發報告確有證據者一


經本會籌提後即依照財政局獎勵章程以籌獲款產之百分之二十獎給該報告人員以資鼓勵

第十四條

本會章程有未盡事宜得由教育局長轉請教育廳修正之

第十五條

本章程自核準公佈之日施行



江城縣教育經費獨立委員會委員姓名表

職別姓名籍貫



正委員長 張壽元 元江縣 現兼任教育局長

副委員長 李廷相 江城縣 係第三區區長

監查委員 袁炳炎 江城縣 係財政局文牘

監查委員 楊嘉權 江城縣 係第四區區長

經費管理員 彭乾元 江城縣 係城內初小教員

委員兼文牘 朱鏞 江城縣 係兩級學校校長

委員 師榮名 江城縣 係城內初小教員

委員 朱輝文 江城縣 係九如鄉初小教員

委員 張福泰 江城縣 係慶雲鄉初小教員

委員 周惠民 江城縣 高小學校暨工員

委員 王軼倫 元江縣 城內初小教員

## 倉廩

江城倉廩在民十以前地方紳耆已汲汲倡議擬設一義倉以備荒年惟以建倉買谷需款浩繁猛烈漢少夷多地瘠民貧無從籌此巨款遂致中止迨至民國十九年改設縣治李縣長文新到任奉省財民兩廳嚴令限期設立義倉而李縣長遂以前經呈請上峯批准提作江城教育經費之縣民李蔭因拒絕新板破壞金鎔之罰金內挪銀貳千元用以建蓋瓦樓房三大間於武廟面邊並買谷叁佰皇石以儲存之以備凶荒歉歲嚴定法規委富紳經營公開平以濟貧民茲已呈請省財民兩


廳備案惟所挪用之教費一俟將來倉谷生利則仍應歸償教育經費耳局



寺觀


近所

江城境內除縣城及附近漢人數百戶信奉佛教外其餘四鄉俱係各種夷民並不信何宗教惟於疾病時用雞鴨退鬼打卦以資禳解而已故境內寺觀惟縣城有大廟一所計有土主殿一院文昌殿關聖殿觀音殿子孫殿大佛殿各一院係前清道光九年及十一年所建外有川主廟一所係清道光時寓居猛烈川人所建此外縣屬第四區整董土司地有大佛寺一所係清初該地擺夷所建



耶蘇堂及入教信從

江城縣於民國六年有英人富力敦率其妻子來縣屬九如鄉三家<sup>村</sup>建設耶蘇教堂並用種種手腕誘附近鄉夷入教現有教徒五六百人實為邊防之隱患也




## 施棺會

江城地當交通安南老撾之孔道四方客商往來時發或異地孤客或流落商販每遇夏秋之交瘴故病亡無人埋葬者無歲無<sup>之</sup>城中士庶目擊心酸情傷同類爰于前清光緒年<sup>間</sup>集衆捐金設一施棺會購置田畝一份以其租谷作接年購製施板及補助埋葬各費舉城中正紳輪流經管以濟顛連無告之旅客窮民法良意美亦慈善事業之一也



## 江城縣佛教會


縣城內于民國初年設有一佛教堂、堂長係縣民劉運弼、教徒多係城內居孀寡婦之輩、均以素食戒殺、朝真拜斗、謹守佛教清規、嚴持戒律為本、






## 自清季至近年舉辦自治之經過

猛列節今縣城于民國元年設立自治公所，以總理  
成接年係以地方錢糧為<sup>餘款</sup>經費，收入多寡不一，民國七年停辦，今者江城縣  
治成立，又於二十一年奉令辦理區鄉鎮自治，以全縣劃為四區，共省一  
鎮<sup>三</sup>十四鄉，惟經費尚未籌定。



## 江城團警之分併及警款兵額

江城原名猛烈街，民國二年改設行政委員區，後因地  
方無款，警團並未分設。卞委鄭芳任內，經省派警務視  
查員周核定，由保衛團隊提撥二十名充當警兵，餉糈  
隨隊請領。當經呈准辦理。有案至民國五年，委員何瑛  
以此款無著，遂致停辦。繼又抽收豬肉捐，每月收獲滇  
票四十餘元，改辦警八名。民十以後，票價低落，復改為  
六名。每月計領發票洋四十二元。今雖改縣設立縣公  
安局，然以無款改組，一切仍皆依舊辦理也。設置



# 教育局

江城於民國十八年才改縣治，在未設縣以前，係猛烈行政區，並無勸學所及教育局之設置。故對於教育事業，除猛烈街設一高初兩級小學外，其餘四鄉並無教育事業之可言。迨至民國十八年實行改設縣治，教育局才隨之而產生。然因毫無的款，無力另行組設局所。故迄今三載以來，所謂教育局長，僅由高級小學主任教員兼之而已。江城縣教育之不能發達於此，一大原因，惟幸現任李縣長文新於教育事業頗具熱心，提倡現已陸續改進之景象。將來教費足時，則教育行政事業當不難照章組設，與內地各縣相埒也。




設縣以前係猛烈

## 江城文學之開端及有功教育之官師

江城自明清兩代已歸普思欣圖分屬元墨兩縣惟以僻處蠻荒地當邊陲為蠢夷猺獠之所居無文物教化之可述迨前清末年內地漢人流寓遷往草萊漸闢風氣寢開文物聲教始因之而傳佈初則咸同光緒間有元江楊澤及石屏鄭立廷諸先達來邑倡設私塾提撕教讀已開文教之先聲繼而宣統光緒之際縣人朱自光自榮楊開泰彭永齡諸秀士人文蔚起蜚聲庠序於是邊鄙草萊之區漸濡文明之化逮民國以來政府嚴令設學推廣邊地教育而周國華李廷輝何瑛諸委員遂先後倡設高初兩級小學于猛烈然教育所及僅為惠民一鎮四<sup>鄉</sup>夷民仍無受教之能力洎民國十九年江城縣治成


設立國家注重邊地文化實行強迫普及教育而縣長李文新爰于

十九至二十二年四年之間屢次籌款捐廉竭力推廣提倡始於縣城添設男女初小各一校于各區鄉間成立初小十四校以資教育四方夷民俾城鄉教育得以平均發達而免畸形編倚之弊第<sup>以</sup>江城地瘠民貧經費奇絀捉襟露肘殊難維持惟是學校基礎既立將未繼續籌充欸項改進振作庶乎可以漸臻完善耳




雲南省江城縣邊地小學調查表

前	同	前	同	前	同	學小地邊	類	種
初級小學校	江城縣第一區寶藏鄉	女子初級小學校	江城縣第一區惠民鎮	同前	同前	學校	立高級小	江城縣
村	把	朵	前	同	城	縣	城	縣
同前	同前	同前	同前	同前	同前	同前	同前	同前
同前	同前	同前	同前	同前	同前	同前	同前	同前
由學董一人教員一人初小學生二班組成之	由學董一人教員一人初小學生二班組成之	由學董一人教員一人初小學生二班組成之	由學董一人教員一人初小學生二班組成之	由學董一人教員一人初小學生二班組成之	由學董一人教員一人初小學生二班組成之	由學董一人教員一人初小學生二班組成之	由學董一人教員一人初小學生二班組成之	由學董一人教員一人初小學生二班組成之
名	六	十	名	九	十	名	六	十
元	元	元	元	元	元	元	元	元
縣政府補助五十元	縣政府補助五十元	縣政府補助五十元	縣政府補助五十元	縣政府補助五十元	縣政府補助五十元	縣政府補助五十元	縣政府補助五十元	縣政府補助五十元






前 同	前 同	前 同	前 同	前 同	前 同	學 小 地 邊
校 初 級 小 學 四 區 仁 里 鄉 江 城 縣 第 一	學 校 鄉 初 級 小 學 四 區 康 平 江 城 縣 第 一	初 級 小 學 三 區 曲 水 鄉 江 城 縣 第 一	學 校 鄉 初 級 小 學 三 區 定 越 江 城 縣 第 一	學 校 鄉 初 級 小 學 三 區 歸 化 江 城 縣 第 一	學 校 鄉 初 級 小 學 三 區 茗 海 江 城 縣 第 一	
街 老 蘇	村 鄙 南	村 珠 拉	村 甲 邦 南	村 河 水 清	村 漏 戛	
同 前	成 二 二 民 立 年 十 國	成 二 二 民 立 年 十 國	成 二 二 民 立 年 十 國	同 前	立 年 十 民 成 九 國	
組 織 同 前	組 織 同 前	組 織 同 前	組 織 同 前	組 織 同 前	組 織 同 前	
名 四 十 三	名 八 十 三	名 十 二	名 八 十	名 七 十	名 八 十	
經 費 來 源 同 前	經 費 來 源 同 前	經 費 來 源 同 前	經 費 來 源 同 前	經 費 來 源 同 前	經 費 來 源 同 前	





		計	合	前	同	
		十三鄉	四區	校名同前		
		村	五十	河沙白		
		一十八校 成立七校共計	成立一校民國九年 成立二校十九年 成立八校二十二年	清光緒三十二年 成立一校民國二年	民國二十年 成立	
		生十八班	九人學董十四人學	校長一人教員十	組織同前	
			名十三百四	名五十二		
					經費來源同前	



江城縣夷民種族及其習俗

江城地處邊僻漢少夷多人種複雜及附廓十餘里內住有漢人數百戶外其餘四鄉俱係各種夷民或聚族而居或零星雜處殊不一致查各夷民中以猓獠一種為最多約有兩千餘戶占全縣人口五分之一擺夷約有六七百戶占全縣人口十分之一此外尚有沙人猿人狝惰扯爹必猓西猓猓等各夷種族雜居其間各夷民之種族言語裝扮習俗雖不一致然大都渾渾噩噩智織蠢愚蠻狃狃獠生活簡陋鄙陋與上古未開化之野蠻民族相去無幾在未改縣以前舉地方巨細事宜一任山主頭目土司漢人之宰割奴

戮而莫敢誰何蓋以為山高皇帝遠除山主老爹土司頭目外更無所謂政府法律也者今者改設縣治推廣邊地教育實行強迫夷民子弟入學以資開化愚昧而啟迪夷民智識然而一般夷民猶視讀書為畏途以令子弟入學為甚於當募兵噫際此內憂外禍紛至踏來強鄰之侵畧日迫邊陲之防務日急而一般邊地夷民之蠢愚梗頑者也如故邊防無事之際猶可任其鹿居豕處苟安朝夕一旦國防告警法兵壓境則欲其不相繼安南老撾之亡國滅種而淪為法國之牛馬奴隸也萬不可得已茲將各夷族之風俗習慣分別畧誌梗概於左以資參考焉



獮獪為縣屬夷民中較為進化者雖有獮獪文字然一般子弟多不學習近則漸與漢人同化生計寬裕者已多遣子弟入初小學校男女勤於耕種<sup>者</sup>耕山採茶以為生活在縣城附近山林間聚族而居一切習俗多與漢人畧同惟在第二區九如鄉三家村附近居住者多奉耶蘇教子弟亦多入教會初小學校肄業此外別鄉之獮獪並不奉何宗教惟迷信鬼祟不信醫藥每遇疾病則打掛殺雞鴨以禳解之未婚子女多唱歌野合父母置不問聞婚配數日新婦即回娘家放蕩野遊任所欲為三年後方到男家守婦道成家室而育子女近則濡

染華風漸改陋習而稍知禮儀矣


擺夷<sup>夷</sup>江城擺夷分水漢兩種水擺夷能耐炎熱多居河邊漢擺多住山坡均係由象明縣屬整董土司區劃歸而來者水擺夷之種族語言風俗習慣男女裝束俱與車里十二版納擺夷絕對相同崇奉佛教建築緬寺兒童至八九歲多剃髮送入寺當和尚讀緬字經文寺中和尚衣食用具悉由各村人戶供給寫字則用蕨莖削尖醮墨而書於緬紙不用毛筆鋼筆數年後還俗歸家蓄髮娶妻男則短衣大褲纏頭赤足女則青衣青裙色緋鑲襖男女俱染黑齒帶耳環不用

醫藥不種牛痘一  
母妻子入緬寺見

遇天花瘟疫死亡不堪枚舉無論父

小和尚俱係跪拜，子女婚配多尚自由。每日飯食只用糯米，篋盒盛飯不用。日在河沐浴，婚喪年節多用牛犬祭亭，無論男女者，是有名無姓，家族系統頗難分別，與漢人界限甚嚴，畛域分清。蓋以言語習俗概不相同，奉教又尚，生活簡陋，平居不願與別教人往還，又不願讀漢書，所以千古頑梗如故，不易與漢人同化也。至漢擺夷，則男女衣食多與漢人相同，惟習尚搶婚，男家邀集伴友十餘，先將某姓女搶來，然後央媒至女家認錯，出錯銀若干，後再擇期正式婚配，此則與我國上古傍晚搶婚之習無異，語云：禮失則求諸野，此之謂乎。

獯人性質勇猛，逐深林密箐而居，數年則遷，無一宅住所。猶蒙古人之逐水草而居也。平居不務耕田，耑藉擊野獸，栽藍靛，種玉麥豆粱，以為生活。男女青衣錫組，山居度日。男子雖多讀漢書，而發音不同，故語言啁啾，與漢人異。不種鼻豆牛豆，故男女老幼多無麻面者。村中若一人染天花，則閭村遠徒以避之，或將食物給與棄置他所以防傳染。男女婚配多係唱歌結合，不似漢人舊制之拘束。此外各種夷族大都以耕山務農為生，無論婚喪均以宰牛飲酒吹笙歌以為樂習。一坳習俗固無大區別也。



境內服官外省之人物

龔得勝<sup>定</sup>字捷三本境慶雲鄉被媽村人於光緒十七年  
在分統魏名高部下當兵因擊匪有功升充哨官後至  
廣西省升天娥縣守<sup>備</sup>及柳州督帶代理白色總鎮繼升  
至粵軍統領至民國十一年回滇改充滇軍第六梯團  
長現住雲南省垣





## 養濟院

江城地當中法交通孔道往來商販及流寓孤客頗多境內氣候惡劣每至夏之秋交商販旅客多染受瘴毒呻吟輾轉遷延悞死者亦不

少城中店棧習俗一遇客商病篤則棄置城外茅屋飲食醫藥無人

照料死生存亡更無人過問似此情形傷慘已極縣長到任目擊心酸

李文新

乃先捐銀二百元首為提倡並召集城鄉士庶籌捐款項設養濟院於城西委城內士紳專司經理明訂規章公開出納收容病者給與醫藥其死亡者施棺埋葬以濟異地孤客窮民商販流寓之孤苦零丁顛連無告者蓋亦地方慈善事業一也而職司民牧者所當力為倡設利濟者也茲將養濟院募捐附錄于後



創設江城縣養濟院募捐啟


蓋聞善舉義施必資群力、濟困撫危、端賴慈仁、江城僻處邊荒、醫藥兩缺、每值秋夏疫癘交作、求治既苦無方、就醫尤多未便、然而久住者有室、有家、調養自有妻孥、而僑寓者無親無戚、照料惟賴居停、無如一般惡習、忌避太深、每謂旅客病亡、不利戶主、故爾一經病篤、動輒棄置、荒野沐雨櫛風、披星戴月、野凄<sup>慘</sup>悲切、困苦難言、饑寒交迫、誰分簞炭杯羹、瘡癘纏綿、孰為延醫進藥、孤苦伶仃、辛酸莫訴、呻吟輾轉、艱險備嘗、縱是百煉金鋼、亦難經此磨折、況值喘息之餘、何堪再受摧殘、是以一被驅出、即無痊癒之望、蓋雖病不至死、必凍餒難生也、已慨夫兔死狐悲、獸猶知傷其類、民胞物與、人豈莫表同情、茲幸縣長李公捐廉倡首、屢次籌商、擬就<sup>正</sup>街道新建養濟院、俾患病者來院診治、則贈送醫葯、病死者亦給予埋葬各費、並嚴定規章、公開出納、務俾流寓實惠均沾、惟事屬創舉、需財孔多、廣廈千金、獨<sup>力</sup>莫籌、所注仁人君子、樂傾囊<sup>以</sup>輸將、善士旅客、慨捐金而臂助、俾渠渠院<sup>屋</sup>功告厥成、庶奄奄災黎、咸登壽域、則諸<sup>君</sup>子功自無量、福亦糜涯矣、是為啟






## 貞女朱寶明事畧

縣城朱廷芳之女朱寶明，秉性溫和慈愛，自幼居家奉養父母，守貞不字，皈依佛法，戒殺茹素，處世謙恭慈愛，樂善好施，睦宗族和鄰里，嚴持戒律，操守堅貞，平居紡績營生，持己勤儉廉潔，每遇地方饑荒，凶歲及顛連孤苦者，莫不盡力施濟，年逾花甲，其持己待人一如平日，城中男女婦孺莫不知其貞孝慈惠，是以民國十九年，各界士庶曾代呈請縣長轉呈雲南省政府核獎，貞孝可風，匾額以旌之。至二十一年秋，寶明病篤，猶遺囑後學，將其所積資銀千餘金，捐助高初小學校，以資教育學童。夫朱寶明之貞操孝行，政府固已旌之矣，其樂善好施之美德，而豈可任其湮沒哉！故為錄而表彰之。



## 佛教長老劉運弼事畧

劉運弼，江城縣人，兩歲喪父，宿遭閔凶，母尚氏守節撫孤，辛苦備嘗，運弼秉性敦厚，溫恭慈讓，出自天賦，兩兄俱已有子，弼年稍長，恐娶婦不賢，反增老母以憂戚，遂皈依佛法，終身不娶，家居奉佛，承歡膝下，三十年如一日，母病藥必親嘗，衣不解帶者屢月，終無倦容，平居誦佛持齋，嚴守規律，戒殺放生，博施利濟，為亡父生<sup>母</sup>祈福延壽，母亡，喪葬盡禮，族黨稱孝，光宣間，受知於唐如林、張運恆、朱永顯諸法師，旋隨朱張赴湘黔川滇各名山求師訪道，以求了悟，途中屢遭顛沛險阻，終無悔志，其奉教之誠，誠可想見矣。雲南光復，返滇垣，入牛痘學校，兼習醫學，畢業歸里，益自克苦精進，禮佛之餘，即為人診病，泡藥，雖極貧苦之家，亦無不往者。弼為人勤儉廉潔，謙恭和讓，睦宗族，篤故舊，持已待人，一皆出之以誠。兄早喪，弼撫諸侄如己出，教育婚配，罔不得宜，每遇凶歉疾疫殘廢孤貧，則盡力施濟，米藥衣服無德色，民初創佛教會，俾奉教男女得所皈依，而教徒亦以其敦厚誠樸，遂以長老尊之。比來江城改設縣治，百政振興，舉地方公務要政，慈善事業，弼莫不竭力資助，傾囊輸捐，其好善樂施如此。今春政府建設養濟院，委弼總理其事，異日地方人民之受惠，正未艾也。如劉君者，豈唯佛教中長老已哉？蓋亦江邑社會之慈航也。



民國二十二年十月三十一

日縣長李文新

